


BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA



BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR

UPRAVA POLICIJE

Broj: 05-04/06-11-  /23/RS

Datum: 10.02.2023. godine

Na osnovu člana 14. stav (2) i stav (5), člana 17. stav (3) i stav (4), člana 18. stav (1) i člana 25. Zakona o javnim nabavkama BiH („Službeni glasnik BiH“, broj: 39/14 i 59/22), te člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK - a“, broj: 13/16 i 16/17), načelnik Sektora kriminalističke policije Uprave policije MUP USK-a **d o n o s i** :

POSEBNU ODLUKU
o pokretanju postupka javne nabavke roba -
rezervnih dijelova, akumulatora, motornog ulja, sijalica i dr.

Član 1.

Odobrava se pokretanje postupka javne nabavke roba - rezervnih dijelova, akumulatora, motornog ulja, sijalica i dr. potrošnog materijala za službena motorna vozila Uprave policije MUP USK-a.

Član 2.

Ukupna procijenjena vrijednost javne nabavke bez PDV-a iznosi do 455.000,00 KM (slovima: četiristotinepedesetpethiljada i 00/100 KM).

Nabavka je podijeljena na 3 (tri) LOT-a i to:

LOT 1 – Rezervni dijelovi za službena motorna vozila, procijenjena vrijednost iznosi do 320.000,00 KM bez uračunatog PDV-a,

LOT 2 - Motorno ulje, sijalice i drugi potrošni materijal, procijenjena vrijednost iznosi do 125.000,00 KM bez uračunatog PDV-a,

LOT 3 - Akumulatori, procijenjena vrijednost iznosi do 10.000,00 KM bez uračunatog PDV-a.

Javna nabavka će biti provedena putem otvorenog postupka u skladu sa Zakonom o javnim nabavkama BiH („Sl. glasnik BiH“, broj 39/14 i 59/22), podzakonskim i internim aktima.

Zakonski osnov za provođenje postupka javne nabavke predstavlja član 25. Zakona o javnim nabavkama. Predviđa se zaključenje okvirnog sporazuma sa jednim ponuđačem sa periodom trajanja do kraja 2024. godine, a od dana obostranog potpisivanja sporazuma u toku 2023. godine.

Član 3.

Za provođenje javne nabavke sredstva su planirana DOB-om (Dokumentom okvirnog budžeta) USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine.

Nabavka će se finansirati iz sredstava budžeta Uprave policije MUP USK-a za 2023. i 2024. godinu.

Član 4.

Oznaka i naziv iz JRJN:

34330000-9 - Rezervni dijelovi za teretna vozila, furgone i automobile

31400000-0 - Akumulatori, primarne ćelije i primarne baterije

31000000-6 - Električni strojevi, aparati, oprema i potrošni materijal; rasvjeta

Član 5.

Za realizaciju ove Odluke zadužuje se Sektor za materijalno – finansijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 6.

Otvaranje i ocjenu ponuda provest će Komisija za javne nabavke Uprave policije Ministarstva unutrašnjih poslova USK-a, imenovana Rješenjem broj: 05-04/04-2-30-463/22 od 26.07.2022. godine. Sastav i djelokrug rada Komisije utvrđen je Rješenjem.

Član 7.

Ova odluka stupa na snagu danom donošenja.

O b r a z l o ž e n j e

Za potrebe popravka i održavanja voznog parka Uprave policije MUP USK-a u toku 2023. i 2024. godine neophodno je izvršiti nabavku rezervnih dijelova, motornog ulja, sijalica i dr. potrošnog materijala kako bi se omogućilo normalno funkcionisanje i obavljanje redovnih aktivnosti svih organizacionih jedinica.

Pri donošenju ove odluke, Uprava policije MUP USK-a se posebno rukovodila činjenicom da je predložena nabavka neophodna radi nesmetanog rada službi ugovornog organa, te je predložena odgovarajuća vrsta postupka, a sastav Komisije po stručnosti odgovara predmetu javne nabavke.

Predviđa se zaključenje okvirnog sporazuma za predmetnu nabavku sa jednim ponuđačem sa periodom trajanja od dana zaključenja sporazuma u 2023. godini i do kraja 2024. godine.

Sredstva za ovu nabavku će biti obezbijeđena iz budžeta Uprave policije MUP USK-a za 2023. i 2024. godinu.

Procijenjena vrijednost nabavke je realna uzimajući u obzir utrošena sredstva za ovu vrstu nabavke u prethodnim godinama.

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22) predviđeno je da ugovorni organ započinje postupak javne nabavke ako je nabavka predviđena u planu nabavki. Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz Plana nabavki.

S obzirom da je predmetni postupak nabavke pokrenut ranije, a nije donešen Plan nabavki Uprave policije za 2023. godinu, Ugovorni organ je donio posebnu odluku o pokretanju postupka javne nabavke u skladu sa članom 17. Zakona o javnim nabavkama BiH.

Po procjeni Sektora za materijalno-finansijske poslove i informacijsko-komunikacijske tehnologije utvrđeno je da je ova odluka osnovana, odnosno da su stečeni svi potrebni uslovi za odlučivanje.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

1. Komisija za javne nabavke Uprave policije MUP USK-a
2. Sektor za materijalno-finansijske poslove i IKT - za objavu
3. a/a



NAČELNIK SEKTORA
KRIMINALISTIČKE POLICIJE
samostalni inspektor

Jusuf Mešić